



Վերափոխելով աշխարհը մեկ տասնամյակ՝ ու սա դեռ սկիզբն է

Գրանցվեք մայիսի 7-ին կայանալից Մարդու իրավունքների և մարդասիրության ֆորումին

Սիրելի ընկեր,

Անցած ամիս մենք առաջին անգամ հայտարարեցինք մեր 10-ամյակի միջոցառումների մասին: Սրանից ուղիղ տասը տարի առաջ՝ 2015 թ. մարտի 10-ին, Լյու Յորքում փոքրիկ միջոցառման ժամանակ աշխարհն առաջին անգամ իմացավ «Ավորայի» և դառնալու մասին: Մենք կրկին պատրաստվում ենք վերադառնալ Լյու Յորք այս աշնանը՝ «Ավորայի» մրցանակի շնորհման արարողությանը: Սա ճիշտ պահն է ի մի բերելու անցած ճանապարհը: Ձեր աջակցությամբ «Ավորան» ընդլայնել է մարդասիրական գործունեությամբ զբաղվող բացառիկ անհատների ազդեցությունն ամբողջ աշխարհում և լսելի դարձրել նրանց ձայնը՝ աջակցելով այս խիզախ հերոսների կենսապահական գործունեությանը: Նրանց խիզախությունն ու ազդեցությունը մենք կփառաբանենք «Ավորայի» տասնամյակի միջոցառումներին, որոնք կհամախառնեն Լուիզ Ռիչարդսոնը, Էլիս Գրինվալդը, Էրիկ Եսրայիլյանը և Նուբար Աֆեյանը: Նրանց առաջնորդությամբ տեղի կունենան մի շարք ուշագրավ միջոցառումներ, որոնք կհամախառնեն փոփոխության առաջամարտիկներին, աջակիցներին և «Ավորայի» մերօրյա հերոսներին՝ Նշելու «Ավորայի» անցած այս յուրահատուկ տասնամյակը:

Մենք երկար ճանապարհ ենք անցել և դեռ երկար ճանապարհ ունենք անցնելու: Երբ մտածում ենք այն մասին, թե ինչ ձեռքբերումներ ենք ունեցել միասին, դրանք մեզ հիշեցնում են նաև հրատապ մարտահրավերների մասին, որոնց բախվում են մարդասիրական գործունեություն իրականացնողներն ու մարդու իրավունքների պաշտպաններն ամբողջ աշխարհում: 2017 թ. «Ավորա» մրցանակի դափնեկիր, բժիշկ Թոմ Զաթինս ամեն օր 18-ժամյա ռեժիմով աշխատում է՝ որպես վիրաբույժ ծառայելով Սուդանի Նուբայի լեռներում, որտեղ ապաստան են գտել հարյուր հազարավոր խաղաղ բնակիչներ՝ փախչելով Սուդանում ընթացող քաղաքացիական պատերազմի հետեանցով առաջացած հակամարտություններից, վայրագություններից և սովից: Աներեակայելի բարդ իրավիճակում մարդկանց կյանքը փրկելու՝ բժիշկ Զաթինսի աներկբա նվիրումն արտացոլում է «Ավորայի» տեսլականի բուն էությունը:

Այս նույն ոգով 2024 թ. «Ավորա» մրցանակի դափնեկիր, բժիշկ Դենիս Մուկվեգեն ընտրեց, թե ում տրամադրել մրցանակի միջոցները՝ որպես դրամաշնորհ, որպեսզի առաջնագծում աշխատող և տեղում մարդասիրական աշխատանք իրականացնողներն ուղիղ ֆինանսավորում ստանան իրենց կենսական աշխատանքն ապահովելու համար: Խաղաղության Լորեյան դափնեկիր, վիրաբույժ և իրավապաշտպան, բժիշկ Մուկվեգեն (Կոնգոյի Դեմոկրատական Հանրապետություն) մարմնավորում է «Ավորայի» հիմնական համոզմունքը. նրանք, ովքեր ամեն ինչ վտանգում են այլոց օգնելու համար, չպետք է միայնակ լինեն:

Այս ընթացքում մարդասիրական օգնությանն ԱՄՆ-ի կողմից տրամադրվող ֆինանսների զգալի կրճատումներն ընդգծում են «Ավորայի» նման անկախ նախաձեռնությունների կարևորությունը: Մենք անդրդվելի ենք մեր հանձնառության մեջ՝ ուղղակի և եական աջակցություն ցուցաբերելու համայնքներում մարդասիրական աշխատանք իրականացնողներին՝ ապահովելով, որ ռեսուրսները հասնեն նրանց, ովքեր լավագույնը գիտեն, թե ինչպես առավելագույն ազդեցություն թողնել իրենց համայնքներում: Բայց մենք չենք կարող այս ամենն իրականացնել առանց ձեր աջակցության:

Կանգնելով «Ավորայի» կողքին՝ դուք կենսական օգնություն եք ցուցաբերում աշխարհում ամենահրատապ ճգնաժամերի առաջնագծում աշխատողներին: Հատկապես այս դժվարին ժամանակներում մենք բոլորս կարող ենք դառնալ «Ավորայի» հիմնարար՝ «Երախտագիտություն» ի գործ՝ սկզբունքի և գաղափարի կրողը: Միացե՛ք փոփոխություններ բերող այս շարժմանն այսօր:



Հիմա, երբ «Ավորան» մուտք է գործում իր առաքելության հաջորդ տասնամյակ, ուզում են սիրով հրավիրել ձեզ՝ միանալու մեր այս ճամփորդությանը: Ընդամենը մի քանի շաբաթից՝ մայիսի 7-ին, Լոս Անջելեսում կհավաքվեն աշխարհի ամենաոգեշնչող մարդասիրական գործիչներից շատերը՝ մասնակցելու Մարդու իրավունքների և մարդասիրության ֆորումին: Նրանք կգան մտքեր փոխանակելու, նոր համագործակցություններ ստեղծելու և իրական լուծումներ առաջարկելու: Մերօրյա այս հերոսները, որոնք մարմնավորում են «Ավորայի» երեք հիմնական արժեքները՝ խիզախություն, նվիրվածություն և ազդեցություն, հնարավորություն կունենան համարձակ գաղափարներ առաջ քաշելու և ստեղծելու նոր կյանք: Դրանք անհրաժեշտ են, որպեսզի նրանք կարողանան միասնական ուժերով ավելի կայուն և մասշտաբային ֆինանսավորում ապահովել տեղական ուժերով մարդասիրական խնդիրներին արձագանքելու համար: Ֆորումին մասնակցելու համար գրանցումն այժմ բաց է. ավրագրե՛ք ձեր տեղը:

Աշխարհում ավելի ու ավելի բարդ այս ժամանակներում այժմ, քան երբևէ, կարևոր է գործի դնել մեր համընդհանուր մարդկայնության ուժը՝ ծանր իրադրությունում գտնվողներին աջակցելու համար: Ես երախտապարտ եմ, որ դուք մեր կողքին եք:



Վարդանյուկ՝ Արմինե Աֆեյան
«Ավորա» մարդասիրական նախաձեռնության ղեկավար

Նշե՛ք ձեր օրացույցում

Այս տարի մենք կնշենք մեր 10-ամյակը, որի շրջանակում տեղի կունենան մի շարք նշանակալից միջոցառումներ: Դրանք կհամախառնեն տարբեր ոլորտների առաջատար փորձագետներին, աջակիցներին և «Ավորայի» մերօրյա հերոսներին՝ Նշելու արդեն տասնամյա պատմություն ունեցող համաշխարհային ազդեցությունը: Հիմնական միջոցառումներն են Մարդու իրավունքների և մարդասիրության ֆորումը Լոս Անջելեսում՝ մայիսի 7-ին, 2025 թ. «Ավորայի» հերոսների հայտարարումը Լյու Յորքում սեպտեմբերին և «Ավորա» մրցանակի շնորհման արարողությունն Էլիս կղզում՝ նոյեմբերի 6-ին, որտեղ էլ մենք կհայտարարենք 2025 թ. դափնեկիրն անունը: Ֆորումին մասնակցելու համար կարող եք գրանցվել հիմա:



Հայտնի են «Ավորայի» տասնամյակի միջոցառումների համանախագահները

«Ավորա» մարդասիրական նախաձեռնության 10-ամյակին նվիրված միջոցառումները կհամանախագահեն Լուբար Աֆեյանը, Էլիս Գրինվալդը, Էրիկ Եսրայիլյանը և Լուիզ Ռիչարդսոնը:



Նրանց առաջնորդությամբ անցկացվող 2025 թ. հոբբեյանական միջոցառումները հզոր հարթակ կծառայեն՝ առաջ մղելու և ընդլայնելու «Ավորայի» համաշխարհային մարդասիրական ջանքերը: Մուտք գործելով երկրորդ տասնամյակ՝ նախաձեռնությունը կշարունակի ընդլայնել իր ազդեցությունը և օգնության ձեռք մեկնել ավելի շատ կարիքավոր համայնքների աշխարհում:

2024 թ. «Ավորա» մրցանակի դափնեկիրն աջակցում է համայնքներում մարդասիրական գործունեություն իրականացնողներին

2024 թ. «Ավորա» մրցանակի դափնեկիր, բժիշկ Դենիս Մուկվեգեն ընտրել է մարդասիրական գործունեությամբ զբաղվող այն անհատներին և կազմակերպություններին, որոնց դրամաշնորհ կտրամադրի: Հայտնի գեներալ-վիրաբույժ և Կոնգոյի Դեմոկրատական Հանրապետությունում գործող իրավապաշտպան, բժիշկ Դենիս Մուկվեգեն շարունակում է «Ավորայի» ավանդույթները՝ աջակցելով նրանց, ովքեր վտանգում են սեփական կյանքը՝ այլոց օգնելու համար: Աշխարհում մարդասիրության ոլորտի ֆինանսավորման հեռանկարի անորոշության պայմաններում «Ավորան» ֆինանսական ուղղակի աջակցություն է տրամադրում անհատներին և կազմակերպություններին, որոնք կենսական ազդեցություն ունեն: Իմացե՛ք ավելին դրամաշնորհ ստացողների և նրանց կարևոր աշխատանքի մասին:



«Ավորա» մրցանակի դրամաշնորհային մոդելն ընդլայնում է մեր միասնական առաքելությունը՝ ոչ միայն աջակցելու նրանց, ովքեր անցել են աներեակայելի դժվարությունների միջով, այլև կատարելու ներդրումներ հանուն կայուն լուծումների, որոնք կանխում են ոճրագործությունները, ամրապնդում համայնքներն ու բարձրացնում արհավիրքներին դիմակայելու կարողությունը:

2024-2025 թթ. «Երիտասարդական Ավորայի» հաղթողն է UWC Մահիլդրա քոլեջը

2025 թ. մարտի 26-ին 2024-2025 թթ. «Երիտասարդական Ավորա» մրցույթի հաղթող ճանաչվեց UWC Մահիլդրա քոլեջի թիմը (Հնդկաստան), որն իր նախագիծը ներկայացրեց առցանց քննարկման ժամանակ՝ տպավորելով ժյուրիին: Նրանց «Վառագիծ» նախագիծն ուղղված է գյուղական տնտեսություններում կիրառվող ավանդական ցեխի վառարանների (chulha) վնասակար հետեանցների վերացմանը, որոնք առողջական լուրջ խնդիրներ են առաջացնում:



2017 թ. մեկնարկած ամենամյա այս մրցույթն «Ավորա» մարդասիրական նախաձեռնությունն անցկացնում է՝ համագործակցելով «Միացյալ աշխարհի քոլեջների», «Կրթություն բոլորի համար» համաշխարհային ցանցի և Աֆրիկյան առաջնորդության ակադեմիայի հետ: «Երիտասարդական Ավորան» աջակցում է ուսանողներին՝ հնարավորություն տալով նրանց հաղթահարել մարդասիրական խնդիրներն իրենց համայնքներում: Մրցույթի եզրափակիչ հասած մյուս երկու մասնակիցները՝ UWC Ադրիատիկը (Իտալիա) և UWC Դիլիջանը (Հայաստան), նույնպես ոգեւորեցին ժյուրիին իրենց նորարարական նախագծերով՝ ցույց տալով երիտասարդների՝ ծակն բարեփոխումներ իրականացնելու ձգտումը:

Թուն թմաս-Ձենսենը «Ավորային» է միացել՝ որպես հանրային կապերի և ռազմավարական հաղորդակցության տնօրեն

Թմաս-Ձենսենը կղեկավարի նախաձեռնության՝ մարդասիրական ընդլայնվող համայնքի աջակցությանն ուղղված ջանքերը, այդ թվում՝ նպաստելով ավելի արդյունավետ և կայուն ֆինանսական միջոցներ տրամադրելու այն անհատներին և տեղական կազմակերպություններին, որոնք օժանդակում են պաշտպանելու և ծայրահեղ կարիքի մեջ գտնվող համայնքներին: Մինչև «Ավորային» միանալը Թմաս-Ձենսենը եղել է ԱՄՆ Միջազգային զարգացման գործառնության (USAID) ղեկավարի ազգային անվտանգության հարցերով խորհրդակցող:



Փառաբանե՛ք նրանց, ովքեր ոգեշնչում են ձեզ
Եթե գիտեք մարդասեր-հերոսների, որոնք իրենց խիզախությամբ են նվիրվածությամբ փոխում են մարդկանց կյանքը, առաջադրե՛ք նրանց 2025 թ. «Ավորա» մրցանակին: Օգնե՛ք նրանց հասնել արժանի ճանաչման ամբողջ աշխարհում: Սա ձեր հնարավորությունն է կանգնելու ձեր հերոսի կողքին և փառաբանելու նրանց ազդեցությունն այս տարի Էլիս կղզում կայանալից «Ավորա» մրցանակի շնորհման արարողության ժամանակ: Ձեր առաջադրումները կարող եք ներկայացնել մինչև 2025 թ. մայիսի 8-ը: